

Script of Evening Gojri News Bulletin 21 September 2024 at 1700 Hrs

ایوننگ گو جری نیوز بلیٹن مورخہ 21 ستمبر 2024

یوہ آکاشوانی جموں ہے طارق ابرار تے محمد اکرم چودھری تیں خبر سُنو۔ پہلاں خاص خاص خبر۔

- *1- وزیر داخلہ امت شاہ نے کہیو ہے جے مرکز مانہ مضبوط حکومت غا خوف غی وجہ نال پاکستان سرحدان ور امن رکھ رہیو ہے۔
- *2- وزیر داخلہ امت شاہ نے پہاڑیاں اور گجر بکروال قبیلان گا تخصص غا حقوق نانہ تحفظ دین غو عزم دُبرایو ہے۔
- *3- وزیر اعظم نریندر مودی نے کہیو ہے جے کواٹ بند بحر الکابل خطہ مانہ خوشحالی اور ترقی غا سلسلہ مانہ اہم گروپ بن غے اُبھر رہیو ہے۔
- *4- تے چنتی مانہ بنگلہ دیش غے خلاف پہلا ٹیسٹ میچ مانہ بھارتی ٹیم نے دبدبو بنا لیا ہے۔

خبران غی تفصیل نال پہلاں محمد اکرم۔

Amit Shah Border

بی جے پی گا سینئر رہنما تے مرکزی وزیر داخلہ امت شاہ نے اج کہیو ہے جے وزیر اعظم نریندر مودی پاکستان سنگ سختی نال نمڑ رہیا ہیں۔ جس غا نتیجہ مانہ جموں غی سرحدان ور بڑا عرصہ تیں جنگ بندی غی خلاف ورزی نہیں ہوئی ہے۔ آکاشوانی جموں غا نامہ نگار نے خبر دتی ہے جے امت شاہ نے مزید کہیو ہے پاکستان اگر اک گو لی وی بھارتی فوج ورچلاوے غو تاں اُس غو جواب توپ سنگ دتو جا ئے گو۔ یا درہ جے وزیر داخلہ ضلع پونچھ غا مینڈھر اسمبلی حلقہ مانہ چناوی جلسہ سنگ خطاب کر رہیا تھا۔ جت بی جے پی غو امید وار مرتضیٰ خان چناؤ لڑ رہیو ہے۔ تے مزید کہیو ہے مینڈھر تے دو جا سرحدی علاقان غا لوک ہن سکون سنگ رہ رہیا ہیں کیونجے سرحدان ور امن و امان قائم ہے۔ وزیر داخلہ نے جموں کشمیر غا حالات خراب ہون غا سلسلہ مانہ پچھلی سرکاران نانہ ذمہ دار ٹھہراتاں واں کہیو ہے مو دی سرکار کشمیر غا پہاڑاں مانہ بندوقان غی آواز نہیں چلن دے گی۔ وزیر داخلہ نے اس طرح کہیو۔

Amit Shah

وزیر داخلہ امت شاہ نے سخت الفاظ مانہ کہیو ہے جے پہاڑیاں، گجراں تے بکروال قبیلان گا حقوق نانہ بر صورت مانہ تحفظ دتو جا ئے گو۔ پونچھ تیں آکاشوانی غا نمانندہ انوبھو مصری غی رپورٹ غے مطابق وزیر داخلہ امت شاہ نے سرنکوٹ تے مینڈھر مانہ چناوی ریلیاں سنگ خطاب کرتاں واں کا نگریس، نیشنل کانفرنس اور پی ڈی پی نانہ تنقید غو نشانو بنايو اور کہیو ہے ان جماعتان نے دبا نیاں توڑی ان قبیلان نانہ تخصص غا حقوق تیں محروم رکھیو۔ اس بارے خیالات غو اظہار کرتاں واں وزیر داخلہ امت شاہ نے اس طرح کہیو۔ پانٹ۔

Congress

کانگریس سربراہ ملک ارجن کھڑگے جہڑا ان دنیں اسمبلی چناؤ غا سلسلہ ماتہہ کا نگریس امید واراں غا حق ماتہہ چناوی مہم واسطے جموں ماتہہ ہین اُنہاں نے کہیو ہے جے راہل گاندھی ماتہہ درپیش خطرات غے خلاف پارٹی غی طرفوں احتجاج شروع کیو جا نے گو۔ آکاشوانی گا ضلع جموں گا نمائندہ غی رپورٹ غے مطابق کانگریس، آر ایس ایس اور بی جے پی غا ایجنڈا تیں متاثر نہیں وے گی۔ کھڑگے نے جموں ماتہہ میڈیا سنگ گل کرتاں واں وزیر اعظم نریندر مودی غی طرفوں اُن غی پارٹی غا لیڈر جس نے لوک سبھا غا حذب اختلاف لیڈر غے خلاف نازیبہ الفاظ غو استعمال کیو تھو غے خلاف کاروائی کرن ماتہہ ناکام رہن ور سوال چایو۔ کانگریس صدر نے کہیو ہے بی جے پی اور آر ایس ایس لیڈراں گا بھڑکاؤ بیانات ماتہہ وزیر اعظم نظر انداز کریں اور اُن غے خلاف کوئی کاروائی نہیں کرتا۔ کھڑگے نے کہیو ہے راہل گاندھی ماتہہ دہشت گرد اور ملک دشمن کہیو جارہیو ہے۔ اور وزیر اعظم ایسی چیزاں ماتہہ باندو دے رہیا ہین اور اُن غے خلاف کاروائی نہ کر غے لوکاں ماتہہ اشتعال دلا رہیا ہین۔

Khatana

سینئر بی جے پی لیڈر تے راجیہ سبھا ممبر پارلیمنٹ غلام علی کھٹانہ نے نیشنل کا نفرنس گا لیڈر تے سابقہ وزیر اعلیٰ گا اُس دعوا ماتہہ مسترد کر دتو ہے۔ جس ماتہہ کہیو گیو تھو جے مرکزی سرکار کولے وزارنے کونسل ماتہہ اک وی مسلمان وزیر نہیں ہے۔ اپنا اک بیان ماتہہ جناب کھٹانہ نے کہیو ہے مو دی سرکار غا فلائی اقدامات عوام دوست ہین تے مو دی قیادت ماتہہ مرکزی سرکار غی طرفوں چایا گیا اقدامات نے عبداللہ تے گاندھی جیسا خانداناں ماتہہ خوف تے حراس پھیلا دتو ہے۔ جناب غلام علی کھٹانہ نے مزید کہیو ہے مسلم برادری کئی دہائیاں تیں ان خانداناں نے کچلی ہے تے 70 بہراں تیں ان سیاسی جماعتاں نے مذکورہ برادری غی حالت زار ماتہہ نظر انداز کیو ہے۔

RNU Special Series

آکاشوانی جموں غا علاقائی خبراں آلا شعبہ نے اسمبلی چناؤ 2024 غا سلسلہ ماتہہ جموں خطہ غا تمام 10 ضلعان غو خصوصی پروگراماں غو سلسلو نشر کیو جا رہیو ہے۔ اس سلسلہ ماتہہ ڈوڈہ، کشتواڑ، رام پن، تے راجوری ضلعان غو خصوصی پروگرام نشر کیو گیو ہے۔ تے پونچھ ضلع ور مینی اک خصوصی پروگرام 22 ستمبر ماتہہ نشر کیو جا نے گو۔ اس تیں علاوہ صوبہ جموں گا باقی ضلعان غو یوہ خصوصی پروگرام 28/27/26/24 تے 30 ستمبر ماتہہ سویرے 8 بج غے 45 منٹ ور سلسلہ وار نشر کیو جا نے گو۔ یاد رہے جے ان پروگراماں ماتہہ ہر ضلع غو تاریخی، سیاسی تے سیاحتی جائزہ پیش کیو جا نے گو۔ آکاشوانی جموں غا خبراں گا شعبہ نے اسمبلی چناؤ غے مد نظر صوبہ جموں غا تمام 10 ضلعان غا ہر اسمبلی حلقہ بارے اہم معلومات اپنا سامعین تک پجان تے اُنہاں ماتہہ باخبر رکھن واسطے خصوصی پروگرام شروع کیو ہے۔

Air Force

انر مارشل امر پریٹ سنگھ جہڑا اس ویلے انرسٹاف غا نائب سربراہ غا طور ور خدمات انجام دے رہیا ہین ماتہہ فضائیہ گو اگلو سربراہ تعینات کیو گیو ہے۔ نواں فضائیہ سربراہ اس مہینہ غی 30 تاریخ ماتہہ انیر چیف مارشل وویک رام چودھری تیں عہدہ غو چارج حاصل کریں گا۔ جناب امر پریٹ سنگھ بھارتی فضائیہ ماتہہ فائٹنگ زمرہ

غے تحت دسمبر 1984 مانہ شامل ہوا تھا۔ اور انہاں نے لگ بھگ 40 سال توڑی
 کمانڈ، سٹاف، انسٹریکشنل اور غیر ملکی تقرریاں مانہ خدمات انجام دتی ہیں۔ انیر افسر اک
 کو لیفائیڈ فلائینگ اسٹریکر اور اک تجربہ کار ٹیسٹ پائلٹ ہیں جنہاں کول فکسڈ اور
 روٹیٹری ونگ انیر کرافٹ مانہ 500 گھنٹاں غی پرواز غو تجربو ہے۔

یہ خبر تم آکاشوانی جموں تیں سن رہیا ہیں خبراں غا باقی حصہ نال طارق ابرار۔

PM Quad

وزیر اعظم نریندر مو دی نے کہیو ہے کہ کواڈ فورم بحر الکاہل خطہ مانہ امن، ترقی تے
 خوشحالی واسطے کم کرن غا سلسلہ مانہ ہم خیال ممالک غا اک کلیدی گروپ غا طور ور
 ابھر رہیو ہے۔ جناب مو دی وبلگیٹن مانہ 6 ویں سالانہ کواڈ لیڈراں گا اجلاس مانہ
 شرکت واسطے جا رہیا ہیں۔ اک بیان مانہ کہیو ہے کہ کواڈ گروپ گا اراکین موسمیاتی تبدیلی
 تیں لے گے اہم ٹیکنالوجی تک گا تمام مسائیل ور بات چیت متوقع ہے۔ کواڈ اجلاس تیں
 پہلاں وزیر اعظم نریندر مو دی صدر جو بائیڈن سنگ دو طرفہ ملاقات کرینگا۔ اس تیں علا
 وہ وزیر اعظم اسٹریلیا غا اپنا ہم منصب انتھونی البانی تے جاپانی ہم منصب فومیو
 کشیدہ غے سنگ دو طرفہ ملاقات کرینگا۔ جناب مو دی نے صدر بائیڈن غے سنگ ملاقات
 غا سلسلہ مانہ یقین ظاہر کرتاں واں کہیو ہے بھارت تے امریکہ غا تعلقات مزید مضبوط
 وینگا تے دوستی نانہ ڈونگی کرن واسطے نواں رستہ غو جائزولین تے ان غی نشاندہی
 کرن غی اجازت دتی جائے گی۔

Poonch SVEEP

ضلع چناوی حکام پونچھ نے چناوی منظم سویپ پروگرام غے تحت ووٹ غی اہمیت تے
 چناؤ مانہ بدھ چڑھ غے حصولین گا سلسلہ مانہ گو رنمنٹ ہائی اسکول پونچھ مانہ
 مصوری مقابلہ غو انعقاد کیو۔ ضلع پونچھ تیں مہارا نامہ نگار نے خبر دتی ہے کہ 7
 سکولان غا 75 طلباء نے مذکورہ پروگرام مانہ شرکت کی ہے۔ آکاشوانی سنگ بات چیت
 کرتاں واں پروگرام مانہ حصولین آلی طالبہ سوفیہ نے اس طرح کہیو۔ بائٹ۔

SVEEP Icon Udhampur

معزور شخص پون دیو سنگھ جس نانہ ضلع ادھم پور واسطے سویپ اور معزور زمران
 گا لوکاں واسطے آئیکن بنا یو گیو ہے نے رائے دہندگان تیں اپیل کی ہے کہ وے اپنا
 مچ قیمتی ووٹ غا استعمال غو حق کسے وی صورت مانہ ہتھ تیں نہ جان دیں۔ پون دیو
 سنگھ نے اپنا عزم نانہ ظاہر کرتاں واں ہر شہری تیں اپیل کی ہے کہ وے چناوی عمل
 مانہ اپنی شمولیت ہر صورت مانہ یقینی بنائیں۔ اس بارے آکاشوانی سنگ گل کرتاں واں
 پون دیو سنگھ نے اس طرح کہیو۔۔۔ بائٹ۔

SVEEP Reasi

ضلع چناؤ افسر غی نگرانی مانہ سویپ غے تحت ڈی سی دفتر ریاسی مانہ اک
 بیداری پروگرام منعقد کیو گیو۔ اس موقعہ ور بولتاں واں نوٹل افسر سویپ سچن شرما نے
 سویپ سرگرمیاں غی چناؤ بارے لوکاں نانہ سجاگ بنان غا سلسلہ مانہ اہمیت ور لو
 کہلی۔ انہاں نے آکاشوانی سنگ گل کرتاں واں اس طرح کہیو۔ بائٹ۔

Cricket

چنئی گا ایم اے چدمبرم سٹیڈیم مانہہ بھارت تے بنگلہ دیش بشکار ٹیسٹ میچاں غی سریز گا پہلا میچ غے دوران بھارتی ٹیم غی طرفوں 515 دوڑاں گا دتا گیا ہدف گو پچھو کرتاں واں بنگلہ دیش نے 158 دوڑ 4 وکٹ گنوا غے بنا دتی ہیں۔ اس تیں پہلاں بھارتی کرکٹ ٹیم نے اپنی دوجی پاری مانہہ 4 وکٹاں گا نقصان ور 287 دوڑ بنا غے پاری ختم کرن غو اعلان کیو۔ اور بنگلہ دیش غی کرکٹ ٹیم نانہہ جتن واسطے 517 دوڑاں غو ہدف دتو۔ شبہمن گل تے رشہہ پنت نے شاندار سنچری بنائی۔ گل نے اپنی 5 ویں جد کہ رشہہ پنت نے اپنی چھویں ٹیسٹ سنچری مکمل کی اور چوتھی وکٹ واسطے گل تے رشہہ پنت غے بشکار 167 دوڑاں غی شرکت داری ہوئی۔ اور بھارتی ٹیم غو دبدبو قائم کر ليو۔ بھارتی ٹیم نے اپنی پہلی باری مانہہ 376 دوڑ بنائی تھیں جد کہ بعد مانہہ کھڈتاں واں بنگلہ دیش غی ٹیم اپنی پہلی پاری مانہہ صرف 149 دوڑ ہی بنا سکی تھی۔

اس غے نال ہی خبراں غو یوہ بلیٹن ختم ہوؤ۔